

續天津縣志卷十三

人物

儒林

王又樸字介山雍正癸卯進士翰林院庶吉士歷任廬州府同知河東運同少以古文受知於方望溪先生為沈端恪公近思所賞識文名藉甚開天津風會之先仕有惠聲尤精水利著易翼述聞採入欽定四庫全書又詩禮堂文集讀孟讀史諸書梓行

于秉鈞字禹和歲貢生篤於孝友秉性至誠古心古貌立品敦行一遵孔孟程朱之教士林矜式

續天津縣志

卷十三

人物 儒林

一

李源字春潭浙江紹興人隨其先人游學燕趙間遂家天津乾隆乙卯副榜由教習知縣洊升湖北督糧道所至有聲致仕後日以課孫為事絕跡不入公門平生喜讀書老而彌篤手不釋卷自立課程寒暑無間尤邃易理殫精沈思歷四十年不輟著有周易函書補義十六卷卒年八十孫士瑩舉人陝西商州直隸州州同士琦副榜由教習議敘知縣分發河南

文苑

金甌諸生端方質樸平生惜字外無他嗜見路遺

字紙雖污穢中必親檢焚化數十年如一日子相翰林孫世熊舉人皆以善書名

朱函夏字乾馭貢生同邑子性方廉不苟讀書必窮其蘊造就津邑人士最多受知於學使孫文定公與弟紹夏同舉博學鴻詞著有谷齋集

張 壘字聲百霖子康熙癸酉與兄坦同榜舉人官內閣中書善草書工詩著有二張合稿文集秦游詩草孫映暉進士

洪體仁一名天錫字吉人歲貢生學有根柢工古文與王介山周月東爲莫逆交周太史人麟其及門

續天津縣志

卷十三

人物  
文苑

二

士也著有晚翠堂集論文三編

周 焯字月東拔貢生賦性堅確重然諾工詩嘗從城西寺得硯汗泥中浴之則宋謝文節公橋亭卜卦硯也遂名其集曰卜硯山房詩鈔後以硯贈查恂叔中丞

龍 震字東溟讀書不求名性好奇工詩多古風與文安陳子翹爲莫逆交著有東溟詩集

陳 烱字石汀貢生工詩善書綽有古致自成一家  
避俗如讐

張如鉞字蘭谷雍正丙子舉人在武邑縣教諭工書

學歐陽率更體津邑學歐陽體者前有李應斗後有周步瀛皆逼真而蘭谷稱最墨迹多藏其壻進士朱嘉善家

金相字琢章雍正丁未進士改庶吉士由編修歷官侍讀學士品端學粹爲一鄉之望與周蓮峯人驥並居京職同時有清正之稱屢掌文衡羣推得士

孫坦字白昭乾隆己未進士八歲能詩相傳上元夜蒼頭負之觀燈於市遇父執要遮之云試吟一詩容汝去時坦手提蓮燈卽立成云莫言新出水

續天津縣志

卷十三

人物文苑

三

亦向火中栽一點通心熱光明對佛開大奇之捷南宮時年才十九性方正不苟後任知縣有政聲周人騏字衣亭人驥從弟乾隆己未進士改庶吉士授檢討性清介篤於孝友工文章著述甚富謙不自足惟孟子讀法附記刊行於世卒年八十邑人牛坤爲撰傳

丁時顯字名揚乾隆乙丑進士少負雋才有青帘楊柳市黃蝶菜花天之句以此得名人呼爲丁黃蝶時顯青年釋褐以未入詞林爲憾未幾鬱鬱而卒士林惜之著有青蛻居士集一卷

金世熊字竹坡琢章子乾隆庚午舉人神情雋朗學無所不窺尤工行草書初學平原繼仿華亭逼真可入神品仕河南襄城令以平反冤獄活三十餘人致忤上官改教職嘉慶庚午重宴鹿鳴卒年八十餘著有竹坡存稿

于豹文字虹亭善爲古文不涉時趨天才警敏目下十行借人書一覽卽終身成誦登乾隆壬申進士旋歸班鬱鬱病卒士林惜之

張 湘字楚珊乾隆甲戌進士性倜儻風骨峻嶒工書法任江西餘干令時郡守某寡廉隅湘薄之某

續天津縣志

卷十三

人物文苑

四

酷愛湘書一日盛筵招飲酒酣出絹素索之不得某怒甚因是罷官囊無一錢僅攜一竹牀歸姚應龍爲繪圖一時名士題詠甚夥著有大雅堂詩集解秉智字月川性凝重有識量任涑水教諭乾隆丁丑進士任甘肅安化令引疾歸教子姪皆登賢書居鄉以謙厚稱卒年七十九紀文達公爲立傳

查 曦字漢客襟懷卓朗沈浸六籍工詩善醫著有珠風閣詩集續集梓行

鄭熊佳字南翔乾隆庚辰進士歷任廣東惠來電白樂昌欽州等牧令學識淵博於書無所不讀尤工

詩篤交游與同邑金芥舟玉岡契分最深攜至粵東館之署中供壺榼恣游覽窮幽絕險數年不倦迄卒爲營身後事罔弗周備一棺值數百金逮芥舟之嗣迎柩於粵大感慟其好義皆如此與芥舟時相唱和彙爲山舟草一卷謂蓬山芥舟合集也官粵時惠政甚多邑人華長卿爲之傳

高 喆字濬谷乾隆辛巳進士任宣化教授天才機警淹通經史目偏眇流覽絕速過輒不忘晚年主講三取書院裁成後進教以古文每成一文人皆傳鈔其見重如此

續天津縣志

卷十三

人物文苑

五

吳人驥字念湖乾隆丙戌進士性倜儻修髯偉幹工畫竹歷官山東萊州府知府少喜徵逐廣交游迨登仕籍有幹濟才築小滄浪亭於大明湖上慷慨揮霍獎引後進致仕家居文酒之宴無虛日人皆以爲有孔北海之風

金玉岡字芥舟布衣風期高尚沈淵於學慕陶宏景林和靖之爲人寄心遐外徧游名山邃谷工詩善畫自成一家所繪尺幅片紙人以爲寶著有黃竹山房詩鈔梓行

金 銓字野田芥舟族孫諸生書法褚河南詩宗陶

韋貧居委巷罕與人通天懷高淡不慕榮利運使  
阿公林保聞其名凡數顧始與訂交李公符清宰  
天津時步訪清談竟日贈句云入法褚登善五字  
韋蘇州有道貧何病無田菊是秋卒年八十

王祿朋字翼雲乾隆己丑進士工行楷篆隸諸書爲  
翁覃溪先生所稱詩學晚唐著有秋坪吟草官至  
雲南迤東道

金 坤字霽岩少負重名乾隆己亥副榜獎掖後學  
情詞醇厚惟恐不及子開第進士官至湖南督糧  
道

續天津縣志

卷十三

人物  
文苑

六

康堯衢字達夫歲貢生孤介抗直博稽今古於津門  
詩學絕續之交力爲講求厥功甚鉅著有海上樵  
人稿十二卷津門風物詩四卷雲構詩談四卷

金思義字曉巖文名藉甚從游日衆乾隆辛丑進士  
任陝西宜川令兩校秋闈所拔皆秦中之彥引疾  
歸里課孫不干預外事卒年七十餘孫鳳池舉人

徐 炘字朗齋乾隆癸卯副榜性敏博學善古文詩  
詞淵雅閎肆迴絕時趨與沈簡菴存圃兄弟齊名  
凡經閱古今著作無不丹黃甲乙評隲允當一時  
翕然傳誦推爲才子賚志以歿學者惜之著有朗

齋詩文集

沈 嶧字東岩乾隆丙午舉人博雅工詩與弟峻齊名一時擅機雲軾轍之譽著有嬰鳴集虛白齋詩鈔

童葵圃字蘭風居直沽之南買負郭田數畝取風人之意以閒閒署其齋日事吟詠卽以閒閒名其集玉筍山人傳王露爲之序

葉際春字雨村善爲文乾隆己亥舉人仕趙州學正嘉慶壬戌進士卽用知縣年老改永平府教授從游日衆以經史啓迪後進多所成就何侍郎彤然

續天津縣志

卷十三

人物文苑

七

其最著也子夢元夢蘭俱舉人夢元亦以善文著名

蔣玉虹字雄甫邑廩生性至孝貌古樸慎取與生平無妄語爲鄉里所推重天津自乾隆初設縣以來志書僅係初修雄甫立志續修乃採訪數十年故家譜牒前賢著述靡不摻求摺紳誦說故老傳聞靡不登記嘗操筆墨油紙大便面徧行荒郊破寺中剔殘碑斷碣辨其字畫輒錄歸凡志書所應有者分門編纂稿本已積數十帙不厭繁多惜未成

而卒

沈兆澐撰傳

喬耿甫字五橋諸生善草書於肆放之中含秀絕之  
致能以棉濡墨作擘窠大字名馳閩粵間海外人  
爭購之著有僑樵稿其弟樹勳字六橋工詩有二  
喬之稱

梅成棟字樹君庚申舉人成就後學一時文士多出  
其門選津門詩鈔三十卷陶鳧菴先生輯畿輔詩  
傳成棟與焉篤行好義雖家無儋石而親友之窶  
貧者多賴以舉火道光乙未歲旱成棟倡義捐賑  
施米設廠四門內外分男女屆五日一給籤越日  
彙領米無庸原人復來其舊家之不便赴廠領籤

續天津縣志

卷十三

人物  
文苑

八

者徑送米於其門法簡而備無一遺濫施米萬餘  
石全活甚衆事竣不邀獎仕永平府訓導卒於任  
著有欲起竹間樓詩集鳧菴刻其稿與慶雲崔旭  
曰畿南二俊集梓行子寶巖寶璐諸生寶熊副榜  
邑人沈兆澐爲立傳

汪 彭字蓮渠性方嚴持躬一以聖賢爲法嘉慶戊  
辰舉人選良鄉縣訓導不赴授徒里門從游者衆  
咸豐三年以保衛鄉閭功加五品銜

沈起麟字苑遊布衣家小康喜施與恬退和平有靖  
節風著清芬堂詩集



劉廷璐字硯莊嘉慶庚午舉人由教習任山西洪洞縣令著有南柯游草卧梅詩草且寄軒諸集

李雲楣字采軒道光乙酉舉人性坦率不設城府天才雋敏文名藉甚為諸生時應試詠酒旗云幾番

春雨南朝路千里鶯花小杜詩為學使杜石樵先生所賞嘗以弟雲林游幕兩粵多年無耗寄詩云

縱使路遙無雁到亦應春盡有鶉啼雲林得詩即日東裝歸著有瓣香軒詩草黔游日記

劉錫字韻湖進士鎔兄工詩善畫為人至性篤交游屢試不售卒年三十四著有寫梅閣集

續天津縣志

卷十三

人物文苑

九

張林蔚字桂圃七歲能書擘窠大字早入郡庠道光

丁酉貢入成均性恬和善養生壽八十卒

丁運樞字少衡道光辛卯舉人性孝友襟懷磊落雖家徒壁立而樂趣盎然邃於史學尤工詩古文詞

晚年選福建甯化縣令以不合於時去任旋卒

閻履芳字坦齋道光丁酉拔貢己亥舉人安貧好學向值選拔寒賸多不得與履芳家貧兼貌寢獨為

學使潘芸閣先生所賞貢入成均履芳文及詩賦淵雅深醇不負芸閣先生知遇惜才高運蹇年甫

逾強遽嬰疾卒無子著有坦齋全集待梓

金琛字秋航諸生工書積學敦品賚志以歿  
循吏

周人龍字躍滄康熙乙丑進士由山西屯留縣令歷  
官江西督糧道所至興利除弊有惠政善獎拔士  
類三黨親貧不能讀書者招於署延師教之多所  
成就引疾歸里卒年六十四

張 晷字石粼雍正癸卯進士性抗直每面折人過  
然慷慨好義視人事如己事勞怨不避紀文達公  
亟稱之任江蘇震澤令丙午分校秋闈夜於室中  
焚香拜祝如有積德之士求神指示同官咸笑之

續天津縣志

卷十三

人物  
循吏

十

伺晷燈下閱卷屢以細竿穿牖挑其冠晷驚以爲  
神遂呈薦迨榜發中式同官譁然曰我輩弄君耳  
晷正色曰此非我爲諸君所弄乃諸君爲鬼神所  
弄耳卒祀名宦

張 霖字魯菴貢生兵部郎中有幹濟略歷著宦蹟  
仕至雲南布政使天才不羈性復慷慨告養家居  
築遂閒堂一畝園篆水樓園亭甲一郡款接名流  
一時如趙秋谷汪退谷吳蓮洋方百川諸名宿雲  
集文酒之宴無虛日彬雅之風翕然丕振著有遂

閒堂集

周人驥字蓮峯人龍弟雍正丁未進士由禮部主事督學四川有聲洵升科道仕至廣東巡撫官侍御時彈劾不避權要歷任封圻風裁嚴峻釐剔積弊廢無不興所莅吏畏民懷卒以剛正爲時所嫉未竟其用論者惜之卒年六十八邑人牛坤爲撰傳徐觀孫字用賓乾隆戊午舉人任福建漳浦令邑莠民聚衆滋事觀孫捕獲首犯摻其家有黨羽巨冊焚之以免株連事平超擢山東武定知府

周隆謙字益亭長於經學乾隆庚午五經舉人辛未進士仕江蘇長洲知縣民向納漕米率以兩石爲

續天津縣志

卷十三

人物

十一

一石隆謙不多取而事辦民爲立德政碑邑人沈歸愚先生撰文又官山西右玉知縣有循聲

查 禮原名爲禮字恂叔爲仁弟幼敏於學十五歲卽著詩名由貢生任戶部主事出爲廣西太平府知府有惠政士民爲建生祠遷四川川北道會金川滋事帶兵擊賊擒寨首等喇嘛開修楸新道大輸帑餉凱旋仍留綜理屯政洵擢湖南巡撫因積勞成疾卒於京子涪官湖北按察使改大理寺少卿性仁厚闊大禮賢愛士綽有父風卒年八十九孫咸勤入籍宛平辛巳解元

王希曾字愚山乾隆庚辰舉人由河南安陽縣令歷任繁劇所至皆有治績發奸懲蠹無所畏避孝感有大姓活埋饑民十一人守令憚其事莫敢發希曾訪得實立雪之嘗主講陝州召南書院登科者五人蓋陝州不發科已數十年矣著有一梧齋詩草

徐 輝字午園乾隆甲午舉人官江西高安令高安爲朱文端公故里輝訪其後裔有名晉麟者兄弟二人以家寒廢讀而耕輝招人署讀書皆補諸生嘉慶三年

續天津縣志

卷十三 人物循吏

十三

詔江西巡撫查朱公後人以晉麟兄弟入奏得

旨朱晉麟以知縣用其弟以縣丞用調新昌地多山驟出蛟居民每遭淹沒輝捐造划船分設四鄉以備患居民得以遠避新昌惡俗多溺女輝嚴禁並倡建育嬰堂收養全活無算孫大鏞春鐸俱舉人廉鏗進士

沈 峻字存圃乾隆甲午副榜精書法工詩由教習仕廣東吳川知縣有惠政時武弁邀功枉捕洋盜黃金印等十七人峻白其冤訊釋之以獲咎大吏被劾遣戍去官之日士民泣送數十里不絕旋

賜環歸里授徒課子詩酒自娛時守宰皆舊識絕跡不入  
公門索書者不吝著欣遇齋詩集十六卷梓行存  
圃文鈔一卷問石山房墨刻子兆澧入詞林時尙  
健卒年七十五

姚逢年字華三幼具夙慧四歲讀孝經及滕王閣序  
諸古文背誦如流乾隆辛丑進士仕福建詔安縣  
令興學校建文昌閣邑始有秋闈獲售者地控大  
海洋匪出沒爲商旅患逢年視事後卽統領榦役  
親獲行劫廣東軍裝巨盜三十餘名升建甯府同  
知大吏以逢年嫻於聽斷委審南澳鎮所獲洋匪

續天津縣志

卷十三 人物

三

五十人悉心研訊得減等二十九人丁艱起復任  
安徽太平府同知時南陵令石某因公被議大吏  
以逢年攝篆並委查其有無餘資逢年無骫法亦  
無苛求石某賴以保全厯攝太平徽州廬州諸府  
篆子承恩道光癸巳進士仕奉天蓋平縣令其地  
爲直東江浙閩粵估舶停泊之所又山岫易於藏  
奸俗好鬪承恩捕巨匪多名嚴懲之一境肅然嗣  
調承德縣承德爲陪都首邑商賈輻輳西人設帳  
局者甚夥市儈往往借貸多資遁入關承恩甫接  
篆有客請曰西商被累久矣願投案下追之但得

關提追資悉以奉贈承恩曰負債償債例有明文若取非其有吾不爲也客歎服而去以疾卒於官

士民咸惜之

沈兆溥撰傳

查 彬字憩亭乾隆甲辰進士任安徽鳳臺令誅鋤強暴案無留牘百姓樂之家以四字顏其門曰官清民安繼任河南淇縣安陽信陽牧令所至建書院立義倉修溝渠善政不可枚舉以失察挂吏議鐫職民泣送百里外奉彬長生木主於書院講堂旋開復原官謁選卒於京著有易經集說經史彙參采芳隨筆湘鄉漫錄小息舫詩草若干卷入祀

續天津縣志

卷十三

人物循吏

十四

名宦祠

邵 棻字景菴玉清子乾隆甲寅舉人任山西黎城令潔己愛民不名一錢入省嘗策蹇往來以事與壺關令互訟幾得罪黎城民數千赴省請留事得白禦冬有贈狐裘者棻曰生平未曾服此卻之調永濟令再任湖南常甯令皆著循聲

沈樂善字葢山乾隆乙卯進士翰林院編修充庚申福建副考官壬戌會試同考官所得皆英俊士轉御史稽查倉儲奸胥惕息授貴州銅仁知府調黎平貴陽擢貴東道性剛介操守廉潔清而不刻與

誦爲慈惠之師卒於任仕宦二十年家無儋石鄉黨以此高之著有黔中草

焦景新字午橋嘉慶辛酉進士吏部主事洵升御史性誠慤與人無競喜集同寅爲詩會充丁丑己卯會試同考官精於衡鑒名會元費庚吉其首選也授江西饒州知府廉正有琴鶴風引疾歸卒

王有慶字善舟敦孝友重交游由嘉慶辛酉舉人在江蘇豐縣元和縣令洵升蘇州知府去官之後人輒懷之任泰州時麥秀兩歧紳士製聯頌之曰是儒吏是廉吏是循吏名達楓宸行作公卿大吏能

續天津縣志

卷十三

人物

五

安民能養民能教民恩周蔀屋允宜父母斯民以疾卒於任年六十子汝玉舉人

余 堂字階升嘉慶癸酉舉人幼有至性孝義端謹陶成後進及門甚盛邑人欲舉堂孝廉方正力卻之大挑一等分發廣東攝大埔縣篆縣俗貧民常服毒以圖賴富戶官不相驗惟斷令富戶出資消弭之謂之假命案堂遇案輒速驗飭親屬自行領埋絕不牽累富戶刁詐之風遂息將卸篆百姓請留大吏淮遲三月以從民願補從化縣培植寒畯勤加考課捐給膏火邑始有登科者值歲旱步禱

五十餘里歸途得雨民頌曰愛如父母敬如神明  
並建生祠以祀調陽春縣治不擾民案無留牘去  
官之日士民送衡文尺一具白水一瓶以誌遺愛  
年老引退嘗刊梅樹君所輯津門詩鈔傳世子作  
恭作孚孫朗曾孫春鵬皆諸生

沈兆澐  
撰傳

吳景周字向亭嘉慶初由浙江錢塘遷天津遂家焉  
賦性沖淡持躬端謹里黨仰望丰裁翕然推重中  
嘉慶癸酉副榜由丙子臚錄議敘任江甯布政司  
理問兩次保薦卓異爲守兼優歷署倅令所至以  
德感人攝六合縣篆士民頌之曰兩月青天吳父

續天津縣志

卷十三 人物  
循吏

六

母以迴避調江西時子起元惠元振元皆由科甲  
出仕燮元亦援例得官遂引疾歸著有強識擇言

咸豐九年卒年七十九

徐焯  
撰傳

梁寶常字楚香性孝友謹慎樸誠道光癸未進士改  
庶吉士散館歷任山東高苑新泰嶧縣令仕至浙  
江巡撫任新泰時大吏以萊蕪民變檄令帶兵備  
勦寶常入境隻身先往諭以利害衆羅拜僅令將  
滋事者縛獻不枉及一人嗣官鄂陝粵浙諸省所  
至有惠政民立祠以祀咸豐三年春守制在籍時

粵匪北犯奉



旨會同鹽政文公謙 運使楊公需 天津道張公起鵠 與邑

紳汪彭吳士俊團練防禦寶常倡捐募勇製造器械郡城內外分設二十八局約同邑廩生王鏞等督率練習半年有餘九月二十八日衆敗賊於城西之得勝口得

旨嘉獎七年卒年六十

齊承彥字小筠道光壬辰舉人援例由刑部員外游升科道仕至刑部尚書存心寬恕執法平允年七十二卒

予諡恭勤

續天津縣志

卷十三人物

十七

武功

俞金鰲字厚安乾隆壬戌武進士由侍衛歷任巴里坤統兵烏魯木齊江南福建湖廣古北口各提督出師大小金川戰功卓著

李壽春道光庚子一甲第三名武進士二等待衛

內廷值班捕獲誤入

宮門瘋犯

欽賞頭等侍衛俸滿引

見中箭五枝

賞戴花翎授福建督標左營參將升浙江杭州城守營副

將調福建延平營副將勦滅會匪戰功卓著固守城池至八月之久積勞成疾歿於城樓上奉

旨從優議卹廕一子世襲恩騎尉以千總卽補

### 忠節

周大綸字理夫人龍子狀魁梧高準長髯慷慨負氣任福建彰化縣丞乾隆丙午郡守檄赴嘉義主邑人葉友伯家適臺匪林爽文倡亂陷彰化轉寇嘉義大綸謂邑令曰賊烏合耳誓民登陴出奇以截之城未必陷賊未必不滅坐以待斃無益令方與一幕友對泣喻之不聽城遂陷在城諸官皆死大

續天津縣志

卷十三

人物忠節

六

綸與友伯潛募義勇爲反正計事洩賊急索大綸大綸曰事不可爲矣雖然吾不可苟死挺身出賊勸大綸降大綸亦諭賊降賊脅以兵大綸怒詈曰哈賊匪爾已罪惡貫盈大兵指日至爾求苟延旦暮不可得乃敢迫

聖天子命官降耶賊批大綸頰大綸呼曰吾官雖微義不可辱於賊撞柱血被面邊地而僵賊知不可屈以付其黨乃卧繫於石而懸其足於梁友伯密懷饋餌伺便以進閱五晝夜有來勸降者輒詈之會賊渠出大綸自牖詈之於是賊還坐廳事列刃擁至

使跪不屈賊怒斫大綸落足拇指齒髮皆掠盡詈  
益厲遂被害僕有陳德者紹興人自大綸被囚德  
左右之麾之不去及大綸被害德急以身護曰甯  
殺我賊擊德仆地奮起奪賊刀奔斫賊渠賊揮刃  
格之臂與刀齊落猶躍以頭撞賊遂死叢刃下時  
丙午十二月十二日也友伯夜潛收大綸及德屍  
坎瘞焉官兵克復嘉義有司求得屍以禮殮之肌  
肉盡消而心不化赤血殷然人以爲異事

聞賜祭葬如例歲丁未

聖駕巡幸天津俘臺匪至賊渠有何有志者卽害大綸者

續天津縣志

卷十三

人物忠節

五

也礫有志時大綸子姓咸目覩焉一時羣焉稱快

章 潮字東源生而穎異讀書有識不屑屑於行墨

間由國學生屢試不第援例官四川長壽縣典史  
恤囚捕盜奉職維謹嘉慶丁巳冬邪匪滋事突入  
縣境猖獗蔓延衆皆倉皇莫措潮曰區區小醜何  
懼爲遂率兵糾衆士民皆願以死從潮奮戈直前  
遇賊鬪賊勢蜂擁虜潮去迫之降潮怒詈曰何必  
多言速殺我速殺我繫行三十里潮罵不已賊遂  
榜掠之刳其腹剖其腸挂於樹死時色揚揚如常

事

聞賜祭葬如例入祀昭忠祠

國史館立傳世襲雲騎尉子壽恩襲職

王鴻儀字雲衢嘉慶辛酉武會元由侍衛任烏魯木齊叅將道光六年逆回張格爾滋事鴻儀帶兵在阿克蘇都齊特台地方與賊接仗賊衆我寡被圍一晝夜間殺賊五百餘火藥用盡陣亡於混巴什河大橋上事

聞賜卹如例入祀昭忠祠

徐亨字順菴武生候補外委咸豐三年十二月初六日帶勇在獨流鎮剿賊深入重圍陣亡甚慘事

續天津縣志

卷十三

人物忠節

三

聞賜卹如例

齊世郁江西鹽道嘉紹孫安徽從九品咸豐三年十一月粵匪陷廬州世郁手刃數賊傷重殉難事

聞賜卹如例

徐培字芳田道光壬午舉人由內閣中書任廣西龍州同知署太平知府咸豐四年六月剿捕逆匪陸成泰轉戰三晝夜追至土岡遇伏身受矛傷陣亡事

聞優卹贈道銜以雲騎尉世襲恩騎尉罔替子士鏌襲職任廣東縣丞

繆逢恩候選衛千總投效廣西梧州軍營梧城被圍  
奉文往廣東封川請兵回至蒼梧縣屬之鐵柱馬  
頭地方遇賊搜獲回文立被慘殺投屍於河事

聞賜卹如例

穆大本字立齋道光乙巳武進士任四川綏定營守  
備咸豐元年出征廣西以戰功

賞戴花翎二年由湖北追賊至江甯經提督向榮以打仗  
尤爲出力保奏升四川阜和右營都司

御賜白玉四喜搬指旋升督標右營游擊四年六月在江  
甯七橋夔地方與賊接仗攻破賊營四座復在上

續天津縣志

卷十三 人物忠節

三

方橋獲勝因刺賊用力過猛失足落水而亡時年  
三十一事

聞奉

旨照叅將例議卹世襲雲騎尉

金 本舉人漢子湖北漢陽府通判咸豐四年六月  
二日粵匪陷武昌被執殉難事

聞賜卹如例

張秉銳字進修道光丁酉武舉補千總陞易州營守  
備以軍功

賞戴藍翎咸豐三年粵匪北犯秉銳帶兵在津郡城西得

勝口迎勦時粵匪自滄州長驅而來勢張甚秉銳  
激厲士卒奮勇直前槍斃賊首賊大敗嗣勦賊於  
束鹿阜城隨督兵大臣勝保收復臨清追賊至江  
南豐縣轉戰三省所至立功咸豐四年九月攻賊  
於高唐州秉銳首先登城殺賊數人旋受礮傷陣  
亡事

聞贈卹如例入祀昭忠祠

朱式璟字心石道光己丑進士由刑部郎中出守福  
建延平署汀州同知咸豐七年粵寇至率其子孫  
赴水死事

續天津縣志

卷十三

人物  
忠節

三

聞贈太僕寺少卿世襲騎都尉

金光筭字念直舉人鎔子援例以知縣分發安徽歷  
任建平定遠壽州牧令時粵匪陷武昌江南北皆  
震動咸豐三年春安慶失守壽州戒嚴光筭集紳  
士議防禦水陸兼備由兩河口以東削植竹籤立  
水營由八公山以北雜樹旗幟布疑陣四年正月  
六安陷壽州益孤立賊數萬由六安而北竄距州  
六十里之正陽關光筭令千總黃鳴鐸堵截兩河  
口水路而自督兵赴關賊探知有備遁去數日賊  
復蜂擁而至光筭分兩路勦擊大挫之城危而復

安者再光筈力也五年廬州克復大吏以光筈威名夙著奏署府篆旋護廬鳳潁道時淮北擒首張落刑糾匪數萬縱橫四十里光筈令於軍中日進則生退則死三分其軍迎戰賊左右兜圍勢如潮湧光筈令中軍分擊之賊稍卻而後隊踵至光筈又令左右軍合擊之士卒用命賊大敗是役也以八百人破賊數萬而我軍無傷者皆光筈之謀也七年二月正陽關報擒匪在對河肆掠時光筈病未瘳卽渡河擊之斃賊八百餘追殺七十餘里所過隘口賊俱粉書畏服君威幸弗窮追大字至霍

邱忽得六安復陷報六安爲正陽管鑰星夜旋師甫抵關賊已虜至約十餘萬光筈恐賊襲壽遂回保州城光筈善用謀賊以地雷攻城光筈於城下掘深塹置水甕浮鉦其上令瞽者聽之鉦作水漾聲卽握之賊技不能施乃百道攻城礮聲聞數十里有請戰者光筈但令虛張聲勢示怯以懈其志而乘夜密令兵弁銜枚疾走分三路兜擊賊營預於城外設伏爲應出賊不意自相踐踏光筈圍而痛勦之斃數千人餘悉遁去凡守城八晝夜而圍解乃率勝兵轉戰而前遂復正陽關光筈先以翦

除定遠巨匪功

賞戴花翎洊擢觀察至是大吏飛章入告

詔加按察使銜

賞鏗色巴圖魯名號光筴駐關休息士卒將進剿六霍突  
有捻匪自三河尖直撲正陽其勢猛悍防兵將潰  
乃暫退關外而賊仍踞河西光筴激勵將士水陸  
兩路無日不戰間有勝負光筴日夜焦灼都統勝  
保適抵正陽之八里塚光筴進謁慷慨論用兵機  
宜遂約夾擊於沫河口甫架浮橋渡馬隊而賊大  
至光筴孤立無援乃左持矛右握纛身先將弁登  
岸我兵不過千人自辰至未鏖戰四時骸中矛傷  
力竭墮水而亡時閏五月四日也年四十有二事

聞照布政使陣亡例議卹入祀

京師及本籍與陣亡地方昭忠祠並於壽州建立專  
祠

予諡剛愍

田履安咸豐六年投效安徽廬鳳潁道金光筴軍營  
勦賊立功洊陞副將

記名總兵

賜果勇巴圖魯名號六年正月十五日在湖北天門縣尹

續天津縣志

卷十三

人物  
忠節

十四



澧河地方與賊接仗受傷數十處陣亡時年三十  
二事

聞優卹如例

田椿字榮萱候選千總帶勇守福建光澤縣鐵牛  
關咸豐八年九月六日粵匪破關力戰陣亡

田彬字小農道光乙未舉人在江西瀘溪縣知縣  
咸豐十一年奉差江蘇四月十三日粵匪破蘇州  
彬在城殉難子席珍女三姑孫女多姐妾張氏同  
時遇害

喬書年在山東沂水縣縣丞咸豐十一年八月十四

續天津縣志

卷十三

人物忠節

五

日帶勇與賊接仗衆寡不敵受重傷而亡

李鈺父棧樸諸生鈺以軍功補青雲汛把總卽補  
千總同治二年調赴山東勦匪六月十五日在臨  
清州地方陣亡事

聞贈卹如例其妻陳氏聞鈺殉難遂不食死傳詳列女  
陳成烈字懷芳歲貢生在獻縣訓導同治七年正月  
十四日捻匪陷縣城成烈率子康祥巷戰身受重  
傷同時遇害長孫媳聶氏投河死次孫媳牛氏孫  
女五姑投井死事

聞贈卹如例入祀忠義祠

于壯圖字翼亭道光甲午舉人在祁州學正同治六年丁母憂時河道阻滯未回籍七年正月十五日逆匪突竄州城有勸其避者壯圖毅然曰吾雖卸任然城亡與亡義不可去且母柩在此去將何之少頃賊大至脅之以刃不屈身受四十餘傷旋即殞命繼妻王氏弟婦解氏朱氏媳李氏姪慶光姪媳陸氏姪女大姑女三姑姪孫女城姑俱投井死

事  
聞贈卹如例入祀忠義祠

附咸豐三年粵匪北犯天津先後殉難各官並陣亡

續天津縣志

卷十三

人物忠節

三

兵勇

天津縣知縣謝子澄 古北口副都統佟鑑 天

津鎮總兵官長瑞 天津鎮標游擊蕭濱 大沽

協標游擊吳燦 葛沽營游擊薛成龍 守備哈

清魁 張秉銳 王世隆 千總劉世祿 王遇

亨 沈俊魁 阿克東阿 把總高廷標 王寶

慶 外委蕭剛 李覲堯 李枝桂 徐亨

鎮標左營陣亡兵丁六十六名

張鳳來 王成 李向春 顧國安 李景和

解開慶 張起山 周世杰 康有立 高雲清

劉起祥 王永奎 魏有功 柴玉斌 徐起  
發 劉長泰 馮得發 劉慶雲 牛世得 劉  
海廷 楊恩普 劉國升 劉起山 張復升  
憲明 韓海祥 馬得 祝成功 蘇有成 韓  
玉山 曹國林 劉玉 張玉田 侯萬山 白  
永立 王開祥 孟遇順 祁得勝 孫富興  
李太和 傅印奎 張永達 韓泰 王有得  
高平城 王復慶 董玉升 蘇廷洪 李玉廷  
胡連 王懷玉 趙得勝 陳有 劉得山 李  
得安 劉金勝 李春芳 張有功 司奎六  
劉玉廷 李祥瑞 滕永 陳有太 禹平安  
劉玉成 李成

續天津縣志

卷十三

人物忠節

三

鎮標右營陣亡兵丁二十二名

趙廣魁 朱文得 郭永祥 范廷魁 胡海山  
王起山 鄭得勝 李永 朱得發 石錦魁  
閻有發 詹文忠 王得勝 張起龍 章奎  
順 馮錫珍 石寶恩 李得有 陳順 李春  
貴 王永吉 劉金得

城守營陣亡兵丁五十三名

杭得起 張喜 門得勝 李樹棠 周雲峯

楊景忠 孫永泰 喬永發 史得順 王吉慶

高得喜 朱有慶 賈連仲 張得 劉永清

劉起龍 張慶福 費國泰 祁玉廷 王平

安 楊順 楊玉得 陳永年 陳發 趙雲祥

燕玉山 艾廷得 馮慶隆 陳永泰 楊萬

清 劉永 劉得發 李振興 柳起祥 屈有

祿 田奎升 楊永安 文連 門富有 尹得

成 呂長有 任均喜 萬鳳祥 羅全勝 尹

平州 汪海六 張萬清 寇起發 黃得有

劉中懷 張克德 張 祥 李成

續天津縣志

卷十三

人物忠節

三

大沽協鎮陣亡兵丁四名

楊永貴 夏侯亮 劉有章 于有

海口營陣亡兵丁五名

王明元 李紀山 鄭連 劉廷遠 劉寶樹

陣亡義勇十八名

劉兆祥 石國慶 楊起太 李瑞林 王得貴

任四海 薄通 曹順和 張太 祁奎五

劉得勝 高文得 楊奎升 吳玉廷 貫長清

竇盛廷 張恕 王得芳

隨同天津縣知縣謝公陣亡衙役四名

余鵬龍 余棟樑 賈平五 朱玉堂

附咸豐八年四月八日海口陣亡各員

磚河遊擊沙春元 千總李墉 石振崗 常榮

魁 趙國璧

附咸豐九年五月二十五日海口陣亡各員

提督史榮椿 副將龍汝元 守備奇車布 千

總王世敷 把總張文炳 外委張義

附同治二年六月十五日在山東臨清州迤南隨同

署提督恆齡勦賊深入遇伏陣亡各員

天津左營守備張化龍 都司銜守備陳光裕

續天津縣志

卷十三 人物 忠節

三五

天津城守營把總華雲彪 大沽前左營把總孟

毓奎 前右營外委高崇 天津右營外委李鈺

以上六員俱天津縣人

孝行

張虎拜字嘯崖乾隆己丑進士性至孝母歿廬墓三

年由內閣中書歷官宗人府主事河南學政江西

戊申鄉試副考官善鑒別人才尤工楷書相國阿

文成公深器之著有妙香閣詩集

張虎士字環極虎拜從弟邑諸生仕奉天承德縣典

史孝友端謹母歿擗踊毀傷死

朱光觀字仰文乾隆庚子舉人幼孤有至性事母極孝父岷曾贅山東德州張氏張卒遂葬於德一日光觀設祭對木主歎曰生母嫡母同一母也豈有母骨拋置異鄉可以爲人子者乎時嚴冬風雪光觀徒步赴德訪舅氏族人已無存者且事隔數十年無從覓其葬處光觀晝行於野夜宿破廟中逢人輒咨憂慘形於色一日至德州北之景州棗林村遇一老人咤曰汝張姑子耶怪事怪事何由至此僕年近九十天豈留以待君耶僕張氏佃葬時曾日覩猶髣髴識其處引至數里外寒煙枯草馬鬣杳然光觀仰天號泣不知所措老人云速焚紙錢視風所旋灰落處當必有兆如其言掘焉未三尺有朱棺見木雖朽粉書猶可辨光觀哭行路皆泣遂謝老人扶柩歸合窆焉

黃成彥字碩人乾隆庚子舉人生平言笑不苟事親至孝閭里重爲典型卒年七十餘

欒立本字飛泉乾隆癸卯舉人性至孝母歿著慇懃思錄以寄哀思鄉里重之

韓大佩遭生母常之喪哀毀骨立乾隆甲午四月六日家遭火變時夜已半大佩驚覺急呼家人起自

鳴塵走衢巷呼救復出城至其嫡母王夫人家告  
變旋奔返是時火灼家祠闔巷喧騰拉雜崩摧既  
而火稍息家人俱集大佩獨不見衆議譁然謂既  
出門豈有復入火以死者其從兄立三日不然弟  
之歸在火起家祠時得毋以救家祠故捐其生耶  
因命人掘之數處不獲最後得諸敗檻下周身衣  
俱燼尸黝如鐵蒲伏蠖屈若有所護者方移置間  
而先人影像與木主俱在懷抱中見者無不慘痛  
揮涕曰真孝子真孝子時年十七

李永凝字長清事母孝年四十餘妻張氏生子三日

續天津縣志

卷十三

人物  
孝行

三

作湯餅會以室湫隘院起蘆棚夜半火逸於廚長  
清驚覺呼救四鄰畢至聞母呼於室突身入鄰人  
牽曳之曰入俱死矣長清躍地號曰天平人有立  
視母死不救者乎絕衣騰入共見其負母出甫至  
天井棚塌覆焉一院作慘碧色迄撲滅室俱燼見  
長清屍焦爛伏地負母如故觀者皆泣下方火熾  
時門已不可入一有力者持鉤破其室後壁有呻  
吟聲掖出乃其妻張氏也煙逼垂絕子猶在抱中  
無恙事在嘉慶十八年四月

繆文壁字煥庭幼孤事母至孝既長補博士弟子員

乾隆戊寅母故日夜號泣幾喪明貧不能葬至次年夏四月六日家人不戒薪火起牖前將及柩呼水不至咸傍徨號叫文壁大呼曰母柩苟焚焉用生爲遂奮身躍火中俯抱熾薪以出毛髮俱盡柩得全而文壁已昏絕於地醫家咸謂不救入夜文壁於迷悶僵卧中覺胸膈間若有撫摩之者越日稍甦創腐五十餘日乃結痂鬚眉復生後二十五年請

旌入祠文壁製巨冊書母生時賢蹟徵詩一時名士題

詠甚多至今傳焉

以上三傳邑人梅成棟撰

續天津縣志

卷十三

人物

三

孫明新母病醫藥罔效割股療之尋愈後明新猶子杰疾幾殆杰子亦割股療愈父疾人稱其一門孝友云

宋大成少孤貧傭身爲運署庫胥奴事母至孝人有忤犯其親者輒相斥曰獨不畏宋大成笑乎其感人如此邑人梅成棟爲立傳

劉鐸字鳴遠商籍貢生官廣甯訓導父遇世初遊陝娶衛氏無出而卒返天津繼娶柳氏生鐸旣長父母相繼歿鐸赴陝尋前母柩扶歸而合葬焉

魏元培字秀石從九品有至性父年老失明元培



服勞奉養跬步不離者五年族黨皆以孝稱之  
駱鳳書以父喪哀毀卒妻陳氏守志孝事孀姑詳列  
女

王晏清年十五入學文筆華贍事親至孝母病剖股  
和藥者再父客死中州晏清千里奔喪備歷艱苦  
扶柩歸以哀毀卒年二十九

義行

趙英字修五增生家素豐敦宗睦族嘗於祖塋旁  
置地若干畝以所入租納通族丁賦勒碑傳後鄉  
里稱之

續天津縣志

卷十三

人物  
義行

三

劉士珍字含珠國學生有至性慷慨好義生平善舉  
甚多鄉里稱之子樟曾孫淑寬皆舉人

董岱字青岳乾隆己卯舉人歷任景州學正湖北  
荊門州州同遠安縣知縣致仕家居重修學宮又  
募制錢一千五百緡生息爲歲修費立祭田置義  
冢人有急難資助之不吝中表劉某年五十未婚  
爲完娶縣其嗣嘉慶己卯重預鹿鳴宴卒年八十  
九五世同堂里人榮之

徐通復字體誠乾隆丙午舉人候選內閣中書家居  
不仕性愛菊自號菊圃主人好善樂施嘗獨力捐

修郡學立恤廢會義舉甚多

馮嘉蘭字耕竹敦友誼嘗積千金爲人乾沒後聞其人貧且死委骨異鄉嘉蘭仍爲買地葬之其長厚多類此著有愛竹山房詩草

李嘉善字會遠增生嘉慶六年津郡大水嘉善雇船分赴四鄉凡救一人酬以青蚨五百遇救之人家給席二竹竿三令其搭棚棲身每人日給餅四枚粥二碗全活無算值歲除夕自帶米麩柴錢各票暗察酌施久而不懈鄉里稱爲善人曾孫瑞章成道光辛丑進士

續天津縣志

卷十三

人物  
義行

三

侯肇安字泰階乾隆癸卯武舉性至孝篤誠溫藹效力鎮標歷升山東武定營守備告養回籍力行善事道光初大疫復連遭水災肇安施藥施棺於四門設粥廠以賑饑者所費甚巨全活無算其他如修石路修官道修文昌宮培義地創建輔仁書院於城西身親經理不辭勞瘁道光八年二月無疾卒年七十一邑人梅樹君爲作誄詞九年入祀

鄉賢祠

寇蘭臬字露滋邑諸生樸訥醇謹力行善事爲人所不能爲津民無業者多每屆嚴冬謀生無路一家

數口恆連日不能舉火蘭皋憫之於道光壬寅年  
旬於紳商富戶斂資購糧蒸餈餉創立延生社凡  
老弱殘廢無告之人下至乞丐來社者日給餈餉  
一枚其不能來社者預給以票倩人領取每歲自  
冬至迄來春二月百日爲率全活甚衆嗣以仰食  
者日夥費不繼復於壬戌歲集同社人公請於運  
使楊公需爲久遠計飭商人歲捐錢數千緡定爲  
例又冬施棉衣先期查訪無濫無遺每於昏夜風  
雪中徧歷窮簷陋巷分給衣票錢米受者不知惠  
出誰何其實心實力絕無邀譽之心如此

續天津縣志

卷十三

人物  
義行

三五

陳鼎元字位端邑庠生方正好義津邑濟急諸善與  
與寇君蘭皋相助爲理始終其事鄉里重之

華光煒字義堂候選治中家素豐孳孳爲善郡城北  
門石路傾仄難行光煒獨力興修督工於炎風烈  
日中閱兩月而蕨事行人便之都門施種牛痘傳  
自粵東最爲善舉光煒於邑運署後購地立局延  
術之精者來津試種每屆春夏之交入都取漿剋  
期不至輒憂形於色保全嬰兒甚衆津人士多好  
讀書赴春秋闈者較府屬各縣不啻倍蓰而京師  
向無舍館咸豐初光煒與其族叔長祥創建津邑

試館於京都崇文門外三里河橋之南廳舍庖湏  
煥然一新公立章程復與長祥請於運使克公  
在於蘆商名下歲撥銀二百四十兩作為試館經  
費以垂永久較外邑為盛其他如修學宮修考棚  
繕登牌刊方製藥凡有益閭里之事知無不為焉  
卒年六十一

梅調鼎字馥廷諸生性孝友家貧好施嘗於嚴冬大  
雪途遇乞匄赤身卧解衣衣之急人之急至忘寢  
食卒年七十一

藝術

續天津縣志

卷十三

人物  
藝術

三六

洪天錫字吉人貢生少勤學日誦千言因其兄為庸  
醫所誤殫精岐黃於瘟疫一門尤加意嘗云治瘟  
疫如走馬觀花毫釐一差即謬千里可不慎哉著  
有補註瘟疫論

郭崑字良璧善繪事以人物名於北方臨摹寫意  
俱工見張庚畫徵錄

張鯉字禹門號沾上閒鷗工畫

金勝字嶺雲官甘肅古浪縣尉善畫山水得芥舟  
家傳以氣韻勝秉志冲淡風格翛然

沈銓字青來善繪著色花卉當時重之著有六琴

十硯山房詩草

陳靖字青立工山水得太倉嫡派所畫千巖萬壑一樹一邱煙姿雨態無不入天然妙境間繪花卉蕭疏生動尺幅片紙人爭購之

李紱麀字桐園工畫與沈青來陳青立齊名沽上以畫名者郭崑曾入畫苑其後如金芥舟之山水查集堂之蘭石惲鐵簫之墨牡丹梅雅邨之蘭竹梅菊各極精妙皆藝苑之翹楚也

王成烈字訪舟性孤逸學畫於陳青立能自出機軸好用粗毫濃墨橫肆盡態而不失南宗正派

續天津縣志

卷十三

人物

三七

耆壽

徐永鑑 以子濶貴封奉直大夫 舉人楊伯堦守備張長庚乾隆

五十年正月八日

恩預千叟宴

御賜詩章如意壽杖錦緞袖紗湖筆端硯

陳萬勝字月舫附貢生候選從九品嘉慶元年正月

四日

恩預千叟宴

御賜詩章壽杖緞紗荷包二十二年親見五代同堂奉

旨建坊

賜額瑞傳五葉並

賞黃緞著有金剛經心經註解生平好善樂施創立觀音

會施棺木經理育嬰堂至老不倦壽九十三

王賜極九十于君輝八十程國鉉七十以上乾隆六十年

恩賜七品八品九品職銜

陳錦從九品壽百有五歲

沈秉義字宜之貢生壽九十八

左恩慶字錫三從九品壽九十六

孟國立字海山六品銜壽九十三

劉之醅字漱芳州同銜壽九十二

續天津縣志

卷十三

人物  
耆壽

三

張鵬圖字雲程從九品壽九十二

周維新字啟豐守禦所千總壽九十二

姚緝勳字偉堂山東候補巡檢壽九十

汪尙賢壽九十

李湜字懷芳乾隆壬申舉人撫甯縣教諭河南閩

鄉縣知縣年八十以年老入計典湜不甘廢棄赴

部呈請引見仍發河南以知縣用嘗自署門帖

云天津衛八十三齡鐵漢子侯家後五百餘載舊

人家性豪放善談論著有海天書屋詩一卷

董岱字青岳乾隆己卯舉人景州學正湖北荆門

州州同致仕家居善著里黨嘉慶己卯重預鹿鳴  
宴五世同堂壽八十九

宋恩純壽八十九

王兆奎字允懷武生壽八十七

鄒嵩年字超崖從九品壽八十七

郭永和字巽齋從九品壽八十七

雲中和字致亭正八品壽八十七

張春芳字繡園監生壽八十七

張大勇字浩然處士壽八十七

郝麗中字近思增生壽八十六

續天津縣志

卷十三

人物  
耆壽

三

樂元翁字序篋從九品壽八十五

王文炳字中孚監生壽八十五

趙 琛字秋塍從九品壽八十五

李學善字體仁處士壽八十五

杜慶棠字憩伯歲貢壽八十四

王鴻志字翀亭附貢壽八十四

劉 恕字近仁州同銜壽八十四

齊嘉孚字禮堂乾隆壬午舉人鉅鹿縣訓導重預鹿

鳴宴壽八十五

何立寬處士壽八十四

黃澤亮字金聲武德騎尉壽八十三

王永祐字履吉賚奏廳慷慨好義急人之急雖溽暑嚴寒亦力赴之鄉人推重壽八十三

張遐齡字壽伯浙江東陽縣縣丞壽八十三

雲 駿字膚敏武翼都尉壽八十三

于元英字擢之副榜直隸州州同壽八十三

李學錦字成章處士壽八十三

張士佶字聲嚴監生壽八十二

左長慶字善符從九品壽八十二

邵聚賢字卜五從九品壽八十二

續天津縣志

卷十三

人物者壽

罕

劉國振字際春貢生好善樂施壽八十二

王國慶字宗堯光祿寺署正壽八十二

韓維垣字厚圃三品 封壽八十一

董 煥字白華都司壽八十一

戴思灝字虛舟愛吟詠應童試終未售壽八十餘

孫鳴鐸字木齋諸生能詩與弟鳴鑿俱壽八十餘

郝 仁字壽朋諸生奉親至孝教子延年成進士宰

河南湯陰縣迎養署中壽八十餘

牛 坤字次原嘉慶己未進士性倜儻卓朗自喜由

戶部主事游升內閣侍讀學士加三品卿銜督學



雲南時培養人材宣幽達滯滇人頌之壽八十餘  
子鎮安徽甯國知府

吳繼詩字南田浙江錢塘人久寓津門有倜儻才以  
從弟景周官理問 賜封六品銜壽八十一

陸 浩字天然從九品壽八十

劉彥暉字仲岐監生壽八十

王朝忠字翊宸性孝友樂善好施壽八十子誥邑庠  
生

張青選字時齋壽八十

汪尙臣壽八十 以上係已故者

續天津縣志

卷十三

人物者壽

四

汪尙俊現壽九十二

齊 棟字春字嘉慶戊辰舉人仕山東安邱知縣同

治丁卯重預鹿鳴宴現壽八十九

王松筠字仲節從九品現壽八十九

雲 呈字盛青從九品現壽八十八

王文通字輿權四品銜現壽八十八

沈兆澧字雲巢嘉慶丁丑進士翰林院編修仕至浙

江布政使同治庚午重預鹿鳴宴

特恩賞加頭品頂戴現壽八十八

張大勇現壽八十八

穆文瑛字越千二品銜現壽八十六

王嘉善字進賢守禦所千總現壽八十

張杰現壽八十五

鍾緒勉字小樓五品銜現壽八十五

蘇信字仲武武德騎尉現壽八十五

何立寬現壽八十五

韓慶元字廣颺武舉現壽八十四

徐玠現壽八十三

姜延灝字小亭監生現壽八十四

宋光臨字成吉從九品現壽八十三

續天津縣志

卷十三

人物  
耆壽

三

朱文重字友仁從九品精外科立志行善凡患者無論貧富為療治捐資製藥概不取值每至盛夏間兒童患瘡癩者全集於門應之無倦色並傳人分

治日不暇給保全甚眾鄉里稱之現壽八十二

李國興字四海守禦所千總現壽八十二

吳啟玉現壽八十二

吳玉文字泰如僧生現壽八十一

孫成德現壽八十一

李鍾英字謙益從九品現壽八十一

鄒鶴年現壽八十一

附僑寓

于京字岱瞻別號無欺道人前明靜海諸生負奇氣樂善好施郡城西至小澗村路長四十五里獨力捐修他如立義冢濟貧乏施棺木助婚喪皆竭資以成善舉遷居天津南城內絕意進取

俞懋字天行浙江紹興人順治壬辰武進士歷任福建總兵以平臺灣鄭芝龍功授左都督致仕後寓天津遂入籍焉

李如桂字拙菴其先晉陽人順天舉人除陝西紫陽令邑故山僻彈丸數經寇掠城郭蕭條人煙寥閔

續天津縣志

卷十三

附僑寓

三

如桂下車招流亡資失業勸課農桑立市貿易秩滿遷順天推官發奸摘伏愼若神明授浙江提學道所拔皆名下士每案發優劣去取無不帖服試事竣督撫交薦授口北道口北乃邊郡旗莊碁布兵民雜處素稱難治如桂正己率屬調劑咸宜城中故有米市負販者例納稅如桂以其病民立罷之惟賦性剛直不能逢迎大吏中以微眚被謫歸寓津門以老焉

朱彝尊字竹垞浙江秀水人康熙己未以布衣試博學鴻詞授檢討嘗寓天津查氏水西莊中生平好

古自經史子集以及金石碑板下至竹木蟲魚諸類無不考核纂述著有曝書亭集經義考日下舊聞詩綜詞綜又嘗集唐詩爲填詞鬼斧神工幾於人力不與顧甯人先生不肯多讓人亦以博雅稱之

姜宸英字西溟浙江慈谿人康熙丁丑一甲第三名進士官編修嘗寓天津查氏水西莊中著有葦間詩集根柢經史以古文名年將老以當道薦食七品俸與修明史復入詞館

朱 岷字導江江蘇武進人館查氏水西莊中性恬

續天津縣志

卷十三

附僑寓

器

淡工隸書善畫以指寫鍾馗意態如生精於賞鑒金石圖軸收藏皆希世珍著有懷南草堂詩稿田盤紀遊詩鈔後占籍天津

吳廷華字東壁浙江仁和人進士官翰林久居天津邑侯朱奎揚延修縣志著有漂榆集

汪 沆字西顥浙江錢塘人舉博學鴻詞修郡志沆與廷華主天津查氏最久著津門雜詩百首意主揚厲風騷表章士女正習俗之僞著風土之異洵省方之信史也

陳奕禧字子文海昌人館天津查氏水西莊中時安

岐家藏孫過庭書譜真蹟斷爛不全奕禧取舊搨本臨摹補足並楷書釋文同勒石書家寶之後官南安知府。

方苞字靈皋江南人嘗寓天津讀書數年遂登甲榜初津門張氏奇其才而贍給之及張氏家中落公力濟拔不忘疇昔之德

趙執信字秋谷山東益都人康熙己未進士官春坊贊善以讌飲觀劇去官年尙未壯也僑寓天津張氏遂閒堂中縱情詩酒著有海鷗集

吳雯字蓮洋山西蒲州人館天津張氏遂閒堂中續天津縣志

卷十三

附僑寓

畀

體貌粗醜衣冠敝垢或經歲不盥浴人咸笑之而詩才特超妙趙秋谷稱其詩如千頃之波不可清濁天姿國色亂頭粗服亦佳著有蓮洋集行世

梁洪號芟梁山西大同人僑寓天津工詩詞與龍震張隗爲津邑詩教之源著有悅志堂詩草

邵彬字在方浙江山陰人神清而厲慎取與康熙中寓天津十餘年未嘗妄發一言其謹慤如此

何燦字伙奎徽州人康熙間僑寓天津時鹽經厯龐上泰禮賢下士燦依焉性豪邁不羈學識淹博工詩藝林稱之

王文雄號毅菴順天人由軍功歷任廣東水路提督所至士民愛戴後出征西藏事平凱旋

### 天恩優渥

賜坐賜宴晚年寓天津遂家焉著有提黔八陣圖藏於家  
王廷桂字振恭文雄子初任江西贛州同知再任山東萊州同知陞湖廣荊州知府值歲歉斗米千錢開倉賑濟全活一郡大吏以擅專劾罷官羈居荊州闔郡閔憤旋抑鬱成疾卒

蔣鍾尹字愚溪別號天農子江蘇如皋人生平恬淡自高書無所不讀得其意而已喜吟嘯好遊每遇

續天津縣志

卷十三

附僑寓

吳

山水奇曠卽流連不能去詩不拘成格有會斯作而刻劃景物幾於自然蓋天性也遊天津賣藥以餬口巨商大賈高其名爭往造之鍾尹亦偶過其門晚年益澹泊寡營閉門謝世焉

宋真儒字舊山江南蕪湖人僑居天津親死廬墓三年過者無不聞哀號也墓前池內荷開並蒂人謂孝感所致墓旁屋名虛舟

張廷琛大興人事親以孝聞移寓天津捐資建義學立義地設粥廠以濟貧困授通判因母老不赴任壽六十七與妻沈氏同日無疾而卒子釗任懷慶

知府諸孫繁行咸謂善人之報

酈世澍浙江會稽人僑居天津食貧勵學屢試不售嘗訓子廷本日讀書吾家事不可廢也又曰覽宋史范文正公義田一事人有贏餘所當踵行汝曹識之中年賣志而沒妻陳氏茹荼勵操備歷艱辛撫廷本成立克承父志教授鄉里數十年節儉自持置邑地二頃遵遺命輸之義學爲諸生膏火資劉文煊字紫仙浙江山陰人乾隆丙辰舉博學鴻詞性峭峻不屑干謁屢中副榜交遊皆一時名士年八十餘卒於津

續天津縣志

卷十三

附僑寓

七

徐雲字稼若蘇州人善行草書得晉唐人筆意間畫花卉竹石皆生動有逸趣津門廟刹匾額多出其手

李承鴻字雲亭浙江山陰人來津以鹽茨起家耽詩好客築寓遊園有半舫軒聽月樓棗香書屋諸勝一時名下士如康達夫郝石臞金野田吳念湖馮崑山皆館其家文酒之會爲一郡提唱姪泉乾隆乙卯進士源乙卯副榜仕至湖北督糧道孫雲楣道光乙酉舉人

楊懌曾字介坪安徽六安州人乾隆壬子舉人寓天

津主講三取書院課士以經術人才日盛兼喜賜恤寒士成嘉慶辛酉進士仕至湖北巡撫

蔣 詩字秋吟浙江仁和人進士由編修官侍御著有沽河雜詠若干首

黃掌綸字吟川福建閩縣人入籍順天署天津府學教授工書畫預修長蘆鹽法志

高濬璜字寄泉寶坻人嘉慶戊寅舉人主天津徐鞠圃舍人家一時沽上知名士無不締交著有蝸寄廬草四卷後官廣東鹽場大使

趙 泌字二川江蘇上元人性易與人無忤詩才

續天津縣志

卷十三

附僑寓

四

清妙來津主李采仙家屢試京兆不第李春潭觀察延入幕中後官長蘆知事著有一樹山房詩草



補遺

殷維玠字爾錫忠愍公九世孫性豪邁尚義任南河  
邳宿通判築林子隄堅如銅牆鐵壁居民至今利  
賴及解組歸贍戚友濟貧乏慷慨施予不惜傾資  
里黨皆以善人目之著有和樂堂文集子希文孫  
秉鏞舉人秉欽副榜曾孫嘉樹進士序之舉人

殷希文字憲之維玠子六歲讀書日數十行稍長能  
詩乾隆壬午舉於鄉歷任清豐縣教諭雞澤縣訓  
導山西長治縣令天懷坦白胷次悠然爲詩杼軸  
性靈不假雕刻惟脫稿卽置之不復更定故存者

續天津縣志

卷十三 補遺

巽

寥寥後以疾卒於官

楊家麟字小雲廣東鹽運司運同紹庭之孫道光甲  
辰舉人由大挑任順義縣訓導順義 文廟年久  
失修僅餘一椽遇丁祭則露地設壇拜跪荆棘中  
家麟慨歎與紳士謀重修捐廉爲倡鳩工庀材選  
諸生廉謹者數人司其事未一載而殿廡煥然家  
麟晝夜經營遂以勞瘁卒於官時莅任僅載餘也  
弔者日闐於署及櫬歸士民數百人哭送五十里  
外